



Peter Olsen
Inatsisartunut Ilaasortaq, Inuit Ataqatigiit

**§ 37 naapertorlugu meeqqat atuarianni atuaqatigiit atuartoqassusaannut
apeqqummut nr 242-mut akissut.**

18-07-2019
Sagsnr. 2019 - 16348
Dok. nr. 11169918

Postboks 1029
3900 Nuuk
Tlf: +299 34 50 00
Email: ikin@nanoq.gl
www.nanoq.gl

Asasara Peter Olsen,

Inatsisartut suleriaasaat naapertorlugu apeqqutinnut qujanaq. Ataani apeqqutit akissavakka.

1. Nuna tamakkerlugu meeqqat atuarianni klassit qassiuppat?

Akissut: Aallaqqaasiullugu oqaatigineqassaaq kisitsisit akissummi atorneqartut atuariiit ukiumi atuariusumi 2018/2019-imi 1. oktobarimi nalunaarusiaannit aallaaveqarmata. Tamassuma malitsigisaanik ukiup atuariusup ingerlanerani atuartut amerlassusaat allanngorsimasinnaakutsoorput – maannalu pissutsinik allaanerusinnaallutik. Allatut oqaatigalugu atuaqatigiit atuartoqassusaat atuaqatigiillu amerlassusaat ukiup ingerlanerani ilaatigut nuttartarnermik peqquteqartumik allanngorsimasinnaapput.

Atuariiit nalunaarusiaat naapertorlugit 2018-imi oktobarip aallaqqaataani nuna tamakkerlugu atuaqatigiit 604-nik amerlassuseqarsimapput.

2. Nuna tamakkerlugu meeqqat atuarianni klassit atuartuutaasa agguataarnerat qanoq ippa?

a. Klassit qassit 1-18 akornanni atuartuuteqarpat?

Akissut: 2018-imi oktobarip aallaqqaataani atuaqatigiit 486-iupput

b. Klassit qassit 19-21 akornanni atuartuuteqarpat?

Akissut: 2018-imi oktobarip aallaqqaataani atuaqatigiit 60-iupput

c. Klassit qassit 22-25 akornanni atuartuuteqarpat?

Akissut: 2018-imi oktobarip aallaqqaataani atuaqatigiit 52-iupput

d. Klassit qassit 26-inik atuartuuteqarpat?

Akissut: 2018-imi oktobarip aallaqqaataani atuaqatigiit 6-iupput

3. Nuummi meeqqat atuarianni klassit qassiuppat?

Akissut: Nuup illoqarfiata atuariiini 2018-imi oktobarip aallaqqaataani atuaqatigiit 118-iupput

4. Nuummi meeqqat atuarianni klassit atuartaataasa agguataarnerat qanoq ippa?

a. Klassit qassit 1-18 akornanni atuartauteqarpat?

Akissut: Nuup illoqarfiata atuariiini 2018-imi oktobarip aallaqqaataani atuaqatigiit 49-put

b. Klassit qassit 19-21 akornanni atuartauteqarpat?

Akissut: Nuup illoqarfiata atuariiini 2018-imi oktobarip aallaqqaataani atuaqatigiit 27-upput

c. Klassit qassit 22-25 akornanni atuartauteqarpat?

Akissut: Nuup illoqarfiata atuariiini 2018-imi oktobarip aallaqqaataani atuaqatigiit 36-upput

d. Klassit qassit 26-inik atuartauteqarpat?

Akissut: Nuup illoqarfiata atuariiini 2018-imi oktobarip aallaqqaataani atuaqatigiit 6-iupput

5. Meeqqat atuarianni klassip ataatsip amerlanerpaamik 18-nik atuartauteqartalernissaanik aaliangiisoqaraluarpat ilinniartitsisut qassit pisariaqartinneqalissappat?

Akissut: Atuaqatigiit 18-inik amerlanerusunit atuartullit tamarmik atuaqatigiinnut ikinnerusunik atuartulinnut avinneqassappata nunami tamarmi atuaqatigiit 118-it pilersinneqartariaqassapput. Akerlianik atuartut atuariup iluani imaluunniit illoqarfiup iluani aturfimmut allamut 18-it inorlugit atuartulinnut nussorneqarpata 18-illu tungaanut atuaqatigiinnik atuartulinnik pilersitsisoqassappat nunami tamarmi atuaqatigiinnik ikinnerpaamik 47-nik nutaanik pilersitsisoqartariaqassaaq. Nuummiinnaq atuaqatigiinnik nutaanik 23-inik pilersitsisoqartariaqassaaq tamassumalu aturfimmik marlukkaanik atuaqatigiilmmik pilersitsinertut naleqarsinnaassaaq.

Taasariaqarpoq atuartitsivissanik periarfissanik annertusaanngikkaluarluni atuartut atuaqatigiinnut aturfinnulluunniit allanut "nussornissaat" ajornannginnersoq perorsaanikkullu pissusissamisuuksanersooq naatsersuinermi ilanngunneqanngimmata. Ilinniartitsisunik amerlanerusunik pisariaqartitsilernissamik naatsersuuteqarneq suli annerusinnaavoq assersuutigalugu atuaqatigiit kattunnissaat illoqarfimmiluunniit aturfimmut allamut atuartut nuunnissaat periarfissaanngippat.

Naatsersuutigigaanni atuaqatigiit agguaqatigiissillugu ukiumut akunnerni 856-ini¹ atuartinneqartassasut, naatsersuutigigaannilu ilinniartitsisoq akunnerni aturfiusuni ukiumut 650-ini (piareersarneeq suliassallu allat ilanngunnagit) qaangiuttoornani atuartitsisassasooq nunami tamarmi ilinniartitsisut 62-it missaannik amerlassusillit

¹ Meeqqat aturfiat pillugu inatsimmi (tak. § 7. imm. 3.) 1. klassimiit – 10. klassimut akunnerit aturfitsiviusussat minnerpaaffiliunneqarsimasut malillugit agguaqatigiisitsineq.

pisariaqartinneqassapput. Tassunga ilanngullugit naatsorsuutigineqassapput ilinniartitsisutut atorfiit ullutsinni ilinniartitsisutut ilinniarsimannngitsunik suliffigineqartut. Timelærerit ukiumi atuarfiusumi qaangiuttumi nunami tamarmi 182-nik amerlassuseqarput.

Atuaqatigiinnik nutaanik pilersitsinissamut pisariaqartitsinerit kommunikkaartumik ima naatsorsuutigineqarput:

- Kommuni Kujalleq: atuaqatigiit 8-t
- Kommuneqarfik Sermersooq: atuaqatigiit 29-t
- Qeqqata Kommunua: atuaqatigiit 2-t
- Kommune Qeqertalik: atuaqatigiit 3-t
- Avannaata Kommunua: atuaqatigiit 5-it

6. Meeqqat atuarfianni klassip ataatsip amerlanerpaamik 18-nik atuartuteqartalernissaanik aaliangiisoqaraluarpat aningaasaliineruneq qanoq annertutigisoq pisariaqartin-neqalissava?

Akissut. Ilinniartitsisoq kommunimi atorfilik ukiumut agguaqatigiissillugu 395.000² koruuninik akissarsiaqassasoq naatsersuutigigaanni atuaqatigiit atuartoqassusaasa amerlanerpaaffissaasa 26-iniit 18-inut appartinnerat inuuiatigiinnut 25 millionit missiliorlugu ukiumut akeqassaaq. Naatsersuinerimi atuaqatigiit ilaasa marlunnik ilinniartitsisoqarsinnaanerit ilaatinneqanngilaq. Naatsersuinermilu ilinniartitsivinnik amerlisaasariaqarsinnaaneq aamma ilanngunneqarsimasimanani.

Inussiarnersumik inuulluaqqusillunga



Ane Lone Bagger

² Kisitsisit Namminersorlutik Oqartussat isumaqatiginninniartarfiannit pissarsiaapput.